



Title	附録 息抱齋詩稿
Author(s)	岡山, 雲介
Citation	懷德. 1938, 16, p. 1-44
Version Type	VoR
URL	https://hdl.handle.net/11094/89017
rights	
Note	

The University of Osaka Institutional Knowledge Archive : OUKA

<https://ir.library.osaka-u.ac.jp/>

The University of Osaka

息抱齋詩稿



岡山雲介先生遺像並絕筆

樓花滿渡

管茶臨渡樓雲霞好
 閒處亭樓小醉無深柳
 色都而雅游子風懷柔
 歌一曲將將旅思了
 忘家

未知

未知育二可樂憂口不
 多聞育未無

愛此
 甜光茂
 如許

岡山雲介先生略歷

先生諱源六。字子本。號雲介。又號費隱。岡山氏。大隅鹿屋人。弱冠學鹿兒島師範學校畢業。明治三十四年赴滬上。師事西村碩園夫子、及文芸閣廷式侍講。三十六年聘教授貴州貴陽師範學堂。旁受業李苾園端業尙書。四十年漫游支那各省。四十四年操觚大阪朝日新聞社。大正二年爲奉天支局長。居盛京十六年餘。昭和四年罷職東歸。築居于豐中。名讀書室曰息抱齋。七年爲懷德堂講師。說經講文。又創吳山社。會友啓導。十三年五月七日病卒。享年六十有四。先生爲人狷介。志尙亢高。尤長詞章。其所撰著。大正初遭火燒焚。今廬有漫游詩稿一卷。竝火後所作詩文稿若干耳。

茲所載詩稿。係豐中閒居後所作。今按其年次。哀集排印。以防其散亡云。

吉田銳雄敬識

息抱齋詩稿

吉田銳雄錄

雲介 岡山源六子本先生遺著

櫻井谷新居 昭和四年

海外廿餘載歸來無髮梳轉爲親故詫鮮不執手歎念我以卷妻未始能一舒虞翻同骨
體江總殊才謂緯繡何能遷鬼駢不可除會當投閑去穩處卜茲閭居民三百戶山川小
堪輿雖無學道者豈不武當如愁泛劍鋌割悶令羅帶攄規作終老計中腸百端虛幾何
不揚雄一區築宅廬所缺田一廛經藝以菑畚慮萬二千本味愈噉蔗初覿隸去泛勸山
農話犁鋤閭中無田議功成不自居有如岐下俗廉讓實起予眼看千頃稻心知九年儲
賓待社日飲我豈不恥歟幸汲賈生井欣殮庾郎蔬正直慎脂韋吾道肥有餘斗覺人生
樂萬非簪與裾苦知龍門險爲謁同隊魚

庚午新年奉和御製海邊巖 ○編者云以下昭和五年作

紫巖赤立頷滄浪雪引東風收素光幸是諸強損軍實海門無復競猜防

時日美法伊會於英京
爲滅艦之議轉結故及

寄小平綏方

時有書報罷職自燕京歸其鄉信州旋奉薦整理某事

聘才稱世豈爲賢端直招嫌萬算千琴拂燕塵始鏗爾心諧瀛雪已愴然殷勤況復逢親故樸茂何曾厭古先暫息山中歆蕎饌

信州蕎麥馳名藉也

莫將薦託遽周旋

訪梅二首

端月東風春已暄梅先上國返香魂數株欺雪鄉賢

平田鹿水先生

墓獨占鼇頭着屐痕

顯妣當年避亂鄉討梅澗谷獨徜徉抱兒乞宿艱何限冥豔幽香花欲殤

明治丁丑亂先考從西鄉軍出軍敗先妣爲官

兵劫遁匿瀨貫谷旋潛露丘下裁免危時兒三歲矣

過土屋大夢丈

庚午正月

開軒編席西極山能令予貌多閒暇公如石慈能引鐵復出著作資談櫛

公著述西鄉南洲福澤雪池事者最稱吾意以

下故

齊晏獨立無慙影楚項暴興事叱吒世不獨無南洲傑念如雪叟亦寡亞秦惜晉嘉

耄與良磊落火齊滅光價東閣盛事今殊古士皆齷齪性才下故舉官司與皂隸陋規不可復清化迺將林下漱流齒欲掛功名誰不訝老無外慕予似公梅豔杏妃繞小舍春色豈但能補貧久視有鑑聊可借宿昔殊方竊食隔昨今隣里卜居賀

乙卯朝日報館派予奉天視報事自是凡十三年戊辰罷歸隱

于櫻井谷己巳公自杜宮徙居丘巷地近予里前公受妬後子見諱各出朝日報館昔公患腎子傷膝藥效共愈奈無奇貨信可居當使大鵬擅爲罵但欣得禍同端直膏肓誅豎亦共乍

聞鵲

平川落月野橋西老樹孤雲擁小栖似昔同僧臥江院杜鵑後夜數聲啼

吳山小集

環郡山川曾屢尋十無一二稱吾心曩歸鹿屋吾鄉嘉深秀今得吳丘樂嘯吟遣興誰令文字閨屏觴幸自古先箴惟憂再集是來月榴火未然天欲霖

牡丹時節憶宵柏

號夢菴

番後東風漸徙南殿春惟有牡丹堪欲邀高隱共欣賞不見今人若夢菴

吳山觀月

明月在空際誰彈海上琴帆能對山院響得入僧襟風露竹光動庭階桂影臨衰年漸思藥方有姮娥心

過萱野村憶三平

楚產誰能識國琛亦如義士報仇心赤楓山下蕭蕭野十月霜飛鳴一禽

四

杜宇行

君不聞杜宇八千聲初夜後夜啼不歇悲爾血枯至躬捐遽生三千丈餘髮出蜀遠經滄
海來久使激烈傷時孽胡爲不率徒屬歸却是勸人太急切既無國用略足振百選游氓
何從活繫爾他邦且許身恩遇料是非殊越天子罪己意若承抵死中心不堪噓鞫魂那
處眇難憑茲土無襯詎有絕爲政儉奢孰可從未聞籲俊在朝闕似否宋祚無可興祇見
空山一痕月

榴花開

安石榴花映竹扉覺令梅暑頓加威幽禽驚訝燒高燭欲止旋從枝上飛

看蓮花

隔牆小泊下階過落月如盆香露荷紅白喚童同點檢今晨開得孰多麼
報與山僧欲共嘉正開慈氏託身花澹煙斜月饒清興蕩上幽期不可差

喫西瓜

敵國江山兵旣入秦能自取漢能頒文章與此同滋味祇有歐公不易攀

一定文八

維上璿土不疑千百祀竟成子思

物役次曾南豐韻

古人逃物役鮮不協輿情今人冀物役鮮不謀獨榮世態今非古抵死愧躬耕調飢未能療謾戀臞與羹

碩園先生墓下恭作

謁吾夫子墓憶昔問禮時頗黜公與穀而不予夏卑以其長大學乃併子游儀至於明道誼不必豔董帷大體伐條肄根同合與離彊半去僉序無疑以傳疑云今去古遠橫議日以滋後起不之關殷憂不可醫懷德懷德堂學繼絕景賢景社文興衰功何在韓下百川悉東

之諸生見羽旅絃誦不心移拱如北辰座望比九江師桓榮授徒九江旣而奎宿燦元鴻乃漸達

焜煌華綸閣誕膺報主知上焉規姚姒下焉繼呂伊古先顏謝好顧鮮不可追吾忝弟子列誼如堦與簷鐫喻志於古報籍卸肩仔縮朒殊不任續貂或可期蓋亦恃菅蒯不則斷

麻絲叵測天上意刺促乘東維冥行吾猛似撻埴欲安歸暑月城南野松楸雨露稀栖烏啼不得何乃艱澁爲爛喉與燥舌倍令魯狂悲

秋水

秋水何須天子劍結鄰濠上釣魚徒一竿揭累問河伯東海茫茫有國無

籬落

籬落秋光數枝菊劇怡我見南山月催霜天氣近重陽生怕西窓養風竹

哭親

滄漭惟夢已定省不心戡卅年違庭闈平生對人慙將息贈勞值何嘗少憂悵父應頭如鶩兒髮白鬢毳遽報病沉重星駕歸隈南耳聽復目視而口不能談指寫兒左掌勤注常醺醺轉眼梅花好鶯過去歲菴何乃見背爲行年八十三

歲晚小集

庚午

雨雪浮浮歲又終苦將幽思對寒空懷人竊比蘇家軾飛檄幸忘王氏戎梅柳蕭疎難作意山川動盪只凝瞳

上月湘
豆地震

誰堪過臘壺觴興聊爲振災賣古銅

新霽吳山社席上分韻得冬 ○編者云以下昭和六年作

春經宿雨作新容竹色林光清野供知是密脾猶未滿出牆梅蘂引游蜂

喜頑石禪師至席上分韻得陽

師過寒食到吳鄉前度桃花今復香艷段同求少飛舞東風吹得故尋常

桃花盛開

微雨過牆紅自繁午暉新霽氣溫磨窺窓映竹仙容整邀蝶引蜂風義敦珠蘂猶留湘豔
淚東君不索息嬌言物情何必關春意獨爲秦人開洞門

過松濤禪師 辛未五月初旬

不過山龕二十年復參香界繼前緣老松尙長蒼髯在吾與禪師共白顛

夏淺席上分韻得東

燕子飛飛紫棟風蜻蜓欸欸小池東欲醫詩酒三春殢試步田園冲澹中

千窟城址懷古

金剛巨嶽秀層霄可擬河州忠節標八月機槍臨北闕一門肝腦護南朝向宸大樹安龍

夢奪幟雄心滿虎譙林外猶留遺壘在當年碧血長香蕭

如意山房題壁用省軒禪師原韻

禪師姓石井名弘觀

深居晝靜鳥閒關騷客臨門不見閑

閑猶拒

剛過楞嚴禪子眼青於菴外引雲山

梅天卽事席上分韻得眞

嚼梅漱口免酸辛且爲陰霖墊皂巾技到盤蝸頗覺癢日看篆壁過三旬

端午

葛衣謝暑午晴初江上修精過老漁一自山林避猜毀每年此日祭三閭

聞蛙席上分韻得麻

小雨收聲鉤碧紗水居及暮聽群蛙應同虞芮爭田看不問官私一樣譁

辛未九月滿洲變作

金趙山川聯鸛鵝北垂一極斷南訛齊人向有齊人計七十餘城奈復何

南京政府倍約欲奪我滿洲路權圖我者久遂

以兵爆毀鐵路全滿大亂我軍擊之三閱月亂乃定

辛未仲秋

日支交兵于滿洲旣九日而戰未止變作雖由支軍又復爆毀我鐵路然亦其國枉法輕約橫恣用事近數年殊爲甚則變未亟定我國憤懣之積也萬國弭兵會得報將據不戰協約以責難於我是則事端多所未悉我難忍受也○是夜以風雨不得如約邀客電訊滿洲方內天霽月明似其地無有戰伐

今宵若爲意對客罷招要風疾非無橫雨飄最不條月何照甌脫師正討天驕大息遼東事群強議代撩

居然莊秋望吳山社分韻得青

主人能愛客輟手共憑欄池上秋光好蘆花飛不停

天守閣成

傑閣新成據上游晴波一練抱城流掣鯨海獸何能擾侵斗孤棧不可儔涇水秋寒秦二世呂宮日警漢諸侯英雄得失今非管但使後人思壯猷

對菊吳山社分韻得豪

甕頭雲熟酌新醪階下霜降持老螯幸與諸公同隱逸未歎九日不登高

春意動○編者云以下昭和七年作

春自紙鳶風外來
細縕直使碧雲催
池塘解凍鳧娛浴
禾麥競抽畦待培
麴院會須新買酒
僧寮將欲一觀梅
從今勝踐忙花事
怨此東西不易該
何當禁火噉寒羞
催暖東酒過小樓
怯病仍留禦冬備
種梅正得誘春謀
遼金桺柳眼舒未
吳越江山花發不
南朔戰塵非可痛
應須攤飯夢康侯

寒林吳山社分韻得魚

小寒時節屬春初
髡柳髡楊未得舒
翻墨歸鴉啼不下
斜陽一桁詐晴餘

感時事作

胡雛倍約輕隣好
十載曾無一日敦
歌笑漫從兵猶火
遂見王師討東垣
貔貅健鬪軒輊陣
蚩賊烏竄迹若糞
人民城郭依然在
菽粟仍饒禮未頓
君不見伊水黃闕包
四陲新建周召共和基

吳姬劇怨春不敏
爲停花調罷鶯引
將承闥寄作專征
鹵性狙詐王攸憤
銛刀大食礮雷霆
摧陷匹似衛伐邢
漚上經雨寒漸盡
清明欲近楊柳青
君不見花言無信
天必咎盟府

持重勿闕吼

左傳衛旱甯莊子曰昔周饑克殷而年豐今邢方無道天其或者欲使衛討邢乎衛從之師興而雨

春日偶成

美人新壓桃花酒，轟飲有誰能不催醉散黃金。君莫怪古來豪貴少，憐才

聞鶯吳山社分韻得咸

柳花未點屋前巖，春使鶯喉已解緘。醒夢蕭娘若爲意，何郎昨夜挂征帆。

夏曉卽事

宿雲未肯去，庭槐碧露團。團點石階茶鼎此，時翻蟹眼湘江風雨滿山齋。

見山亭小集分韻得冬

山雨蕭蕭寒老松，兩三礀戶白雲封。高僧碑外峴亭在，撰記誰當姚氏鋒。

壬申七月十日偕社同人遊多田

晴灘激石水紛飛，岸上蒼松鶴未歸。古廟南齋姑作主，居然自擬小丁威。

挽稻束聽松翁

翁池田人

吳服山人何處去，瑤池張樂召耆臣。秦松當屋依然在，從是令誰聽古均。

菊花未開二首

緊收鑿輔不人邀何復全移插古窰隱逸偏嫌新九日聊描黃蘗仿僧繇
高柳得秋嘶紫蟬西風幾日始嬋娟前身應是騎牛隱獨不敢爲天下先
秋陰吳山社分韻得支

野塘水落雁來時秋易斜陽柳易衰五日陰陰天不霽明朝定是雨絲絲
退老堂賞楓分韻得豪

飽霜寒葉若朱袍正抵漢廷承寵褒投老莫歎無酒糾駐顏未必借銅槽
歲晚書懷分韻得鹽

郊寒難得米還鹽島瘦尙兼貧與廉餞歲會無憂喜管南窓晴日對松髯

新年望海

癸酉○編者云以下昭和八年作

滄海神仙旦開歲蜃樓縹緲隔塵凡東風敏緊不可請極浦青山黏數帆
慣見煙波海上菴歲朝帆席激癡憨清芳游衍可十里猗是梅花是密柑

雪意得肴

竹寒凍幽石雲意喜陰爻向暮應催雪鶴眠松上巢

池田八勝詩附記

望海亭觀月

登吳山望攝海希弘量如此秋之夕觀月照其海希爽德如此余數遊此雖不能造然心祈嚮之山上故有亭今廢蓋聞唐綠野堂迄宋復興其廢安知後之思先若張氏於裴氏者不復出而興之邪

未得煩三老手詎能擅一竿權扁舟月滿波靜思孔巢思魯連

古城址蟲聲

老櫓三數郡老曰郡中莫大焉使之年日或久於始城此之歲秋之將終也條柯脫葉風觸焉若宋鼓險而擊楚譟甚自足利時諸雄遞據此皆老子所謂揣而銳之者存勞下厚而世及不久城以圯蟲聲唧唧

老柯葉下交戟霜夕令啼亂葢自古專城不久茫茫白虎蒼龍

穴織宮櫻花

傳云宮祀漢傳織匠又云所祀乃吳匠然則吳匠之來漢時矣案志布帛之織於我國漢以前已剏之於彼土齊魯先吳然則我得彼傳非自吳匠來此邑始蓋亦舊矣每春櫻花盛開埒美綾段

吳伎已傳綾段吳傭亦長桑麻千秋一赤如濯祇見櫻花若霞

吳服野晴嵐

吳丘之陽平蕪晴煙暄和無風社日之飲自遠望之縹眇虛無若群仙之會積佳氣如縣圃天寶當春裔皇東海揚塵已遠物華共得龍光

豬名川垂釣

源出能勢山境幽勝奇南流至吳殘山剩水而美尚敵富春余昔適浙過嚴光游釣處故於富春稍有知云

滄水松烟杉雨釣徒圓笠長蓑豈無思助爲理奈此磯亡奧何

大廣寺晚鐘

禪刹數百年依於山與世疎晚而群動止息鐘聲乃出林隱隱耿耿若質明所聞焉不知

吳人士因此所寤寐誠思何也

木缺鐘聲易出岑樓不見餘曛若馳檄諭巴蜀田父收錢簿聞

橫岡坂夕照

觀楓於此晡後尤宜游者乃欲日西傾之疾大抵以酒不可沾悔吾至之不晏者也舊有
未夕亭小竹旭莊與其徒觴詠于此者數矣既比楓葉增丹日在亡何也暮色有促
橫岡準擬寒山駐小車楓逕間霜葉如新賜綬向江上夕陽殷

五月山晨雪

曙鐘始響起推窗日未出而五月則雪滿顛若嵩少雪晨之嚴潔也一僧擊鉢下山天地
寂然

林巘皚皚白雪東天杲杲紅暉芙蓉院水晶閣不見平生翠微

雨中集淀陰精舍分韻得眞

鶯桃半謝雨初勻頗愛南天玉燭春不願繁華助談禰老松隔水霧如塵

熱河平

燕寇踰長城掠戰作橫牯朔吹擾邊塵白日失平樹曼珠王道存倒戈殊可惡誰並鸛鵒
聯誓天除國蠹庶庶我駟介謹呼相奔屬灤潢疆千里南下復西徕二月天寒甚使人凍
若塑赫吒貔貅氣塚以執駸瞿碧虛馭蒙衝鷗還覩虜戍彈下嘯坤靈虜何不宕仆況復
霹靂車傳以騎與步匪直摧犀函金湯皆失固旣鸚鵡爭先旋龍驤並驅一群隳於朝一
縣屠於暮領領百山川齟齬若伐櫨枕藉萬千骸列史無以註行師僅旬餘日月披雲霧
虎門於是檜螳合永以除熱民本安土鑊舌從場圃邇年豪貪帥割剝未一餽繼以茲兵
難蝥賊赤產素瘼深淚不停日夜仰天籲軍至宣義聲詎復懼跼注豪芒且莫侵塵末尙
莫賦竄者反其居留者服其務委巷多笑語湛樂婦與孺顧熱發遼祥雅非享南胙已是
沃腥羶姍笑萬國妬

打麥

秋光早滿暑中畦打麥田農面自黧可喜污邪且豐熟報天雙鷗與雲齊

牽牛花

略紅淺碧意如何獨托生涯竹一科安得於花有織女每晨共待主人過

黃檗山小集分韻得眞

空山古木碧嶙峋，深院無塵淨可親。
況復林鐘不受暑，同人一日冷衣巾。

秋光可愛二首

秋光可愛東籬菊，難逃我見南山月。
金英銀英一何燦，使人悅忽無伯叔。
雖然擅美典型在，如三十輻共一轂。
未見聊不山舍安，如周定鼎於郊廓。
既及十月傲霜時，措大夫婦生日促。
余夫婦同月日而生爲待甕頭新生雲，擬掇雙英一共漉。
縱令兒女操井臼，不開兼金爲壽局。
況復三徑媿多謀，陶詩乃抵百城讀。

秋光可愛西園柿，金氣熟之百實完。
屋檐天霽含斜照，紅於橘柚經霜團。
庭禽不覓一枝宿，揣摩頗怯丸一彈。
巷豎相戒無敢撝，嫌疑竊比李下冠。
昔者養老飴之賴，未知薦此更承歡。
獨奈五侯不同嗜，當亦相與美而歎。
有似楊子寡仁者，被酒一醉乃可餐。
又有望族能服衆，率先稱霸準齊桓。
一自袁公擊解子海內，騷然久不安。
以上二句係俗傳猿島事吾子吾孫倣孔融，毋啓兄弟鬩牆端。

北山草堂小集分韻得微

琴書共載徙湘韓山意尙能遺翠微欲打秋風應不得渾忘分際取清輝

清澄寺小集分韻得陽

深山古木不成行秋擁精藍已待霜扶病來非采瑤草澗邊活脫及新嘗

雁來紅

秋好階前老少年紅於金鳳小花仙人生似是無殊別應遣少年輕老年

癸酉歲晚

山中歲盡一僧來贈我兼句可拆梅雨雪浮浮日宜涉屋西紫栗喚妻煨

甲戌元旦

皇儲誕生彌日○編者云以下昭和九年作

天門誅蕩判昏晨太闕明禋奏雅寅歲肇春宗神錫羨乾開震長帝頒珍瑞光磨德臨三
觀和氣揚仁載九垓若是鴻慶曠前古老孩億兆頌聲新

同上代

日耀扶桑最上枝五雲獻瑞繞天墀春王正月慶無限恭作國儲降誕辭
寅朝平慰海門濤甲觀新瞻龍鳳艘天下嘉祥何止此東風暖日鶴聲高

宮松三萬六千株瑞色蒼蒼對白駒開歲昌光承器震共爲海內所山呼

新柳分韵得豪

纔能舒眼倚晴濠未及絲絲皆若縑婦俗當今多學汝綠雲鬢髮受霜刀

贈鄭蘇戡上相

甲戌四月

王業成基淨絕塵遠程經海正逢春昔時主客重相會

大正二年七月見于滬

今日鶯花庶可親鶴列

魚麗拌贅夢裘輕帶緩見眞神動關詩賦充雙篋應是携歸獻極宸

看隣花分韵得寒

杏花經雨一齊攤斜見隣家露井端生怕東風無賴甚穠纖肥瘦易闌珊

弘法大師千百年忌恭作二首

一千一百年何處著塵味長柏老松門山風含諦氣

旣以日精明善爲物生解萬山歸一寂終古但金錯

楠公墓下作

維昔山川頗可游只今此勝不能求時移尙慕忠勤節幾萬人家遶一丘

暑坐

柔日妻帟出獨居得似鰥門開無熱客朋至畢水顏松長鍼堪細竹新鳳未還但思蒲葉
扇鮮有去年閒

溪居

溪居竿可用展使細鱗憂不若滄浪住清風待甚求

暑甚分韻得寒

侵室暑如秦薄韓堅彊難敵是水紈吾生怯懦過人甚肝膽何緣能使寒

養苔

巖桂三株竹數科清陰爲養碧苔和縱能借潤侵琴石月下當彈不汝訶

初秋卽事分韻得庚

終朝一雨屋檐晴林下得秋如水清好著輕綺蹋幽砌雁來紅外擷新橙

雁度寒塘

此去嚴程莫暫留霜天十月向蠻州衰楊無幄絲難綰寒水有波風不收少婦悲於過壩

夕征夫痛以避田秋漸爻只見離群象幾許經行爲懊休

今茲甲戌夏秋旱風水相承爲災甚鉅

年穀不登

禦冬無旨蓄執爨米如珠辛勤何不答農至身日懼大息西南東北州山川滌滌難爲似

災後口占分韻得佳

西墜霜晴十月佳哀鴻尙傍碧霄排災過寢息無多日未見吳林探蕈儕

臥雲室雅集分韻得先

林塘幽深小關天紅楓院外晝如煙誰從支遁說空夢秋激禽聲王不獨

負暄分韻得歌

南榮受日氣柔和無復寒飈顫瘁柯旣攔韓非校譌筆臘中獻曝睡中過

甲戌歲晚

檐日溫柔人易眠歲闌遣興孰爲先階前老柿留紅葉暗著臨書若鄭虔
林居足養性冲和閒暇一年今欲過筆墨何堪積人事會無夢及右軍鶩

應制恭賦池邊鶴

○編者云以下昭和十年作

玉鑑池頭梳雪翎神仙風度對宸廷一聲催日波初綠竊比君王萬壽醺

新年作

承生乙亥至乙亥六十平頭親不在遙念西南一曲山何當展墓掃塵浼

春初遣興分韻得庚

春首矜持新娶情媚行煙視愛山晴梅花未爲黃鶯發幸有鄰娃彈玉箏

遣興

點金試唱春光好

曲調名

尙住頭風不可瘳甚解無求陶祭酒苦吟自許孟參謀杏花二月

柳三月葯氣一甌茶半甌生受空齋雨幽黯惱人綺思作詞讐

待梅開分韻得文

小居雨歇待清芬霏霧陰沈尙若曛今夜如能得明月試勘橫斜一過君

小院無花分韻得微

三月春風弄玉微片花且未映晴幃莫傷無與東家似松際烟霞不是微

江上看梅圖

輕舟一棹撥寒篷且忤江流不肯東到眼松崖梅吐雪教人過此莫匆匆

嫩寒二月半天霞凍作山梅白玉花莫道神仙江上餒神仙餐霞故及餐香顏色若晨椒

看桃散策

晴日蒸蒸桃盛開小菴生霧絳饒催老僧見我思前度說是劉郎今復來

采芹圖

春風入山澗方長紫楨莖得性一何臞氣亦如藥清豈不思獻御竊恐癡不程況復貧自重詎借以謀榮自古銀絲膾并稱碧澗羹優游一隊鯽似命齊死生索俎得松骨剖竹利若兵此藪從劑切共殺石上盛相親五六輩可飲一二罌非苗復非爨各受一廛氓如何泮水樂少此淳古情

送益滿素堂

曼殊建王業斯老向金丘龍鳳山光暖洮潢草色浮周宣今復在漢武孰相侔綸詔重鄰

好待如黃綺優

五龍背鳳凰城在東南山中洮潢二水流西北境三四故及

滄波穩如席西望意彌舒天步新張後國容明備初非爲秦氏壽庶有堯年譽鄉曲采風

遍會須伊水漁

梅熟

熟梅委地雨如絲
小院闌珊晝掩帷
莫笑逋仙忙漱口
老東過眼且攢眉

梅花倚竹圖

屈鐵出奇斜鏤冰
具寒豔野人竹石居
或誤爲驕僭

江村分韻得蕭

綠樹深深掩半橋
鯉魚風裏酒旗飄
樓臺隔岸參差見
五月江南似六朝

遊青龍寺分韻得魚

二首

不通騎復不通輿
升險攀危喘喘如
山頂暑微裘可擲
流雲引我入僧居
不特枇杷美可茹
紫萼猶有去年儲
我非白日騎龍客
難免林譏與澗歔

鳳來山聽佛法僧

昔聞天下之瑞佛法僧
託棲三河碧層寺
唱念三寶結咒願
六七八月口莫韞
今聽此若玉在隴
胡朗抱實所備波峭
難爲似縵立深感思
日月光照在持默一
若睡比其不在也

上切三能下九隧物怪驚且遽胥無從閃避萬木僵立森仗衛羯羶八九致是時夏實秋
大以滄涼詒古者復今番對此善政不得易僧伽終夕但堅坐中腸無以冰炭置不似我
思裘可攬此豈得之曠無自幽貞我所豔故復愛白賁而道共天高欲上無羽翼吁佛法
僧佛法僧曷不令縋千尋軼井繡之臂

新涼二首

碧天如水暑初收縞月在東圓自求當復開樽邀勝友桂花早已待中秋
素構經濯愜閒情晚趁新涼步履輕陂稻催胎花半出細風如麝一村清

贈伊集院空山

乙亥九月

中年觴咏錦江秋日斷歸鴻獨倚樓記得相於城北夕潮平月縞木嬰洲

詠史

鐵額銅頭一世雄老髡難魅是精忠蘭疆樊壯何能若帝統綿綿永不窮

和氣清磨

屈悲宋怨有誰侔西海投荒復一憂每歲梅花滿京洛東風刻意作深仇

嘗原道真道真有求
梅香句三四故及

楚帳韜才得一賢江東子弟不蕭然休將封豕漫相擬到底英雄恥瓦全

西鄉隆盛

書懷分韻得肴

吾愛田農如水交欲荷耒耨治礫磽營營役役彼何者自古人閒幾孟郊

楓岸停舟分韻得寒

霜岸看楓是散官輕舟未下夕陽灘晚來當復深棖觸司馬青彩十月寒

閑庭卽興分韻得庚

霜下閑庭熟小橙石邀素藥借餘明時山茶盛開春光從臘出頭緒頗得山人嘉遜情

乙亥歲晚

替司新製賀生篇皇子降生代大換米端投壓歲錢何必寫梅還寫竹談溶寫梅溫遂之畫竹以餽口餘緡買藥養

寒孱

又

穀覈去鹽粗一年余養生日絕鹽味未能辟粒等期仝擘板煮茶非好事毛晉之孫排日擘四唐人集板煮茗游於古集亦

神仙

丙子元旦○編者云以下昭和十一年作

誰著斯生作傀儡置身石火電光中豔他天壤无疆壽百千大萬又春風

投老誰稱非長物讀書難鍊是真才但因皮膜作人面不敢逋租蹀橫財

大阪方以逋稅收賄多興疑獄結故及

題山崎氏藏春山房二首

閒扉小徑不留塵澗上移筇情可親白石映衣疑抵鵲青松繞舍憶盟郇

左傳狐偃與秦大夫盟于郇松有大夫異稱

日臨霜岸解長劍

崖懸水狀如劍

官置魚丁養細鱗時令景光今共好詠恩且酌一壺春

二月雪微寒漸輕主人邀客訂吟盟凍疊始解松肪酒懸特不慙熊掌羹山意勞雲畫峴泉心煩篋鼓秦箏便知此處多康樂非但塵緣不我縈

梅花倚竹圖

鶴膝一枝經妙膳映巖寒翠獨相承疇如外舅垂殊寵吾比孟孫持異矜扶護深微警仙劫橫斜寡少會僧稱猛嫌明月照凡彙共入幽居伴小鐙

坐雪

詎期膝六至晨興眼忽驚庭無釜臠在渾以吳鹽盈風靜黨不成暫爲攘暖帳套身一領衣寒侵豈不王未令藥不龜政見泝泝統川丘共若爲定奇更驚台轉眼花自懼輦同涿

鹿霧但見牆杏頰出紅獺隨毋庸附

爐邊閒話分韻得魚

石氣澗情通碧虛峭寒鶯發犯幽疏爐頭炙手得談柄白鶴山中鄭氏居

鄭弘采薪白鶴山

春曉聞鶯分韻得蒸

寒曉勒春簷結冰鶯喉嬌澁覺無恒老梅持重慙便捷啼欲令聞且未能

雨中對花分韻得元

雨催桑樾晝昏昏小閣隔烟花一村春色入簾紅有日紫泥幾寸委香魂

春霜不損花

花朝經眼浴蠶稀桃李著霜寒未微何故嬌然能擅美要之肅殺不存威宿霞催曙露初墜新火烘簷鳥已飛縱爲繁華頗奮氣尙留一半待溫暉

田園襍興二首

六句校字亦艱辛

時校碩園先生遺著

門熟枇杷功未竣賴有薔薇殊可慰風神漚鬱出叢榛

長男旅學在三河書問桑麻近似何自是亢陽無更久東山當戶逗雲多

柳岸繫舟分韻得支

湖岸蒼茫月若眉
扁舟夜繫綠楊枝
酒亭有客凭風檻
唱柳柳州湘上詩

梅雨欲霽分韻得寒

積雨陰沈十日完
今朝新見日三竿
雖然林表雲仍宿
山氣如秋草閣寒

嚼冰

一盤寒光如白銀
聊消午溽且頤神
老來行義復生齒
不恐談言暫不仁

余齒皆亡以義齒爲代視之如齧也第三句故及

昭和十一年六月十九日日食

北海女滿別皆既大阪蝕七成強

亢陽未收歎尋又失義
輪安見田禾好歎邦不是幽

九月暑甚分韻得支

一月暑無三日衰
人經重九尙披絺
手栽畦菊未經綻
飽待新霜點數枝

中秋無月

鼉鼓三搗月不出
今年此夜又垂幃
買山只辦看雲計
每值中秋無雨稀

秋庭念蔣觀雲

顥氣過重九頓令草木黃金風不可遏玉露霑衣裳梧几故同隱蔣就余講日文桂餌今獨嘗難回

川逝似庭步望西蒼

芙蓉搖美豔未足樂清秋糞土侵閒住隣舍飼雞臭甚與蔣宅在汚巷善似湫居憶故儔憂於貧外結死向醉中

求同揆邦之俊如何白玉樓

朝顏絡餅日蔣詩舜花用邦語朝顏二字又手念前緣未夢騎龍客倏鑒抱葉蟬何年得相覲之子不重旋

繫劍非無意觀雲睹余所藏日本刀心好之蒼溟路萬千

蔣觀雲死既六年因黃裳中井老丈始知之並受其遺詩一卷哀極不覺泣下卽用

其詩書懷韵賦而輓之并呈黃裳老丈二首

海外同貧士罪言尙見存西山早留跡野月獨臨軒大傑千秋曠前塵一卷尊青天今六

載議否魯人藩觀雲有宜尼猶去國不至魯人藩句

中原兵甲擾憂苦髮先黃江介歸恢論觀雲革命後有待以季孟之閒議朝卿拜下牀美材生不達劉匠日相

忙獨夜思平昔良無一事忘

淵明飲酒圖

陶潛中酒翁欲止不能止彊繼其所欲精爽自委靡縱能解印綬歸來耕下里如何二萬錢換酒取官庀豈敢心樂貧常得身無俚惟醉以續醉乃未栖栖爾一至其少醒悲戚斬驩喜而言自中出遺慮及胄子噫人生無賢愚同有所知矣貧不如不貧死不如不死

禪院同飲圖

邀客寒花菊數株野僧傳酒喜相俱縱然醉殺無禪過肯任人呼破戒奴
愛香如麝色如金醉氣噓空催夕陰精舍相湛菊花集不僧無有不僧心

退老堂秋望分韻得刪

幾年不款習禪關依舊半林秋色殷但恨江天催雨意讚峯見纂紫孱顏

胡錦園卽興分韻得虞

殊翎奇羽筆難模遠自蠻方經海輸酒德從來宏所及誰能新補瑞應圖

園主以造酒爲業故及

退老堂歲晚分韻得眞

臘日流暄如已春祭詩乃亦意能新年年誰喜還誰戚萬古茫茫事一塵

丙子歲晚

滌場未必願贏儲卒歲無營愛野居
晶飯慣貧除耗耗青氈完舊樂安舒
前月夜盜入幸免難喚妻豫

買探梅屐投柬重求煮雪廬
甲戌新春抵高槐主第家看雪已辦新春消遣計
替兒且作緩徵書
兒謙六明年齡及赴兵以籍在修學

故請緩徵

丁丑元旦
○編者云以下昭和十二年作

肇旦升橫舍共徒酌吉杯已歸掩門臥謝客
比禳災但以梅花開不少春風如賊越牆來

應制恭賦田家雪

田家正擬帝王州鮮不銀臺不玉樓
願是年豐風得美莫令父舅惜乾餽

新年看山分韻得冬

此集天新霽明窗撫景從如何出塵樂無有理生
慵陬月初旬夢南溟第一峰秀容今在

眼實使我嚴恭

紀元節詠雪

海天雪暗島松微太始鴻蒙不似稀
卓午宗峯晴可觀神州正氣白巍巍

野雪平鋪十里銀嘉辰喜見瑞光新
君明臣覺覺之言亦明長如此形默曾無一日塵
塵汚

出遊值雨

嚮日西北適甫草昔可苗桃花則尙早十開一二條今復尋前度竊喜方豔饒情難周柱
史氣過漢票姚自以花顛許不揣有雨邀輕屨取程遠繳立疇昔橋懽悅晉伐鄭聲威已
儼儼救之陳成子違穀不甚遼舍矢眞如破遽投野僧僚僧睡堅於谷檐瀑飛復跳何直
吾所庶於是乃注消恨殺楚宮嬖劇妬新人嬌

贈岡野半畊

風雨尋思八載羸春光此日忽開楹掃眉遙岫先吾蒞綴雪晴梅共主迎宣髮相期非孟
博靜襟所習半初平來時再訪休煩爨喫戒比僧還不輕

丁丑二月岡野半畊約過余宅而不果贈此以促

君如看竹顧鶯亦出林泉甚日重相約梅花不數開

丁丑四月初二邀半畊以事不至初六邀柳處北山北山爲九州之游不在柳處獨

至飲中分海棠二字爲韻余得海賦呈

句中不及二賢可憾

對槐繁枝紅作海仙姿曲畫宮粧待正臨冶豔欲開時明日初過君可悔

喜晴分韻得麻

積雨初晴簾不遮
差池鳥影繞檐譁
夜來南國梅花夢
竹外今朝見絳霞

春陰分韻得麻

天氣半陰山者家
一枝紅得小桃花
嬌憨羞見春風面
強抹輕霞作護遮

對海棠作七律四首

東風三月海棠菴
正著幽人樂且湛
檀口半開嬌欲語
瑤顏微醉絳如慙
晉姝多悔矜安得
楚豔皆飢抵不堪
便覺神仙辭未給
當加富貴伴春酣

庸岷兩度接殊仙
瀛上相看復九年
艷分本同中外貴
韶光纔次後先偏
浴凭平檻能來蝶
醉向東風如上船
一雨一晴雙絕態
遣人感興百還千

深夕何燒銀燭爲
任從睡覺待晨曦
勻垂繁露能成晷
崇積紅霞欲火帷
刪俗豈無賢者似
貯香只有達人知
獨傷工部緘情甚
安得明珠乃不緇

細雨霏霏亦可稱
風姿一段幌前增
不過墻宇栽雙本
眞比君恩錫百朋
柳意投閒相共睡
蝶心怯醉莫輕憑
但看小女承瓊露
餘潤粗經半臂綾

對花有感分韻得寒

春光雖好老羞看開到櫻花心更寒生在東風真是夢平章未定已闌珊

綠陰遣興分韻得眞

庭槐經雨綠初勻清晝無心不可親竹是爲妻石爲妾山翁四月結良姻

贈飯沼飛行士塚越機關士有序

昭和十二年四月六日飯沼飛行士塚越機關士駕神風機出東京往倫敦實朝日新聞社所報之壯圖也
機我國新製之最盡完好而往復有三萬啓之遠其能不爲全球人屬目之質的乎道歷印暹波希伊佛諸
國九日抵倫敦僅九十四時十七分五十六秒世界飛行之捷速如是者獨以此爲防既而訪翔白獨佛開
又參鸚英皇戴冕式五月十四日上歸程循以往路二十一日還東京凡百二十時不復貪疾也是日京中
外風雨而歡迎至場者無慮十萬人翼日聖上召見嘉
獎二士既揚聲譽于一世而又得此顯榮盛哉可頌也

西往東還翔九旻雨師風伯共逡巡寰球莫肯能相競三萬長程二百辰

新建鵬程第一功萬方齊頌此英雄應看國記經殊錄天上恩光日月隆

春暮坐雨

春若賢良老罷官遣人情緒莫懲歎簷聲傲鄭淋浪雨亞字延苔寂寞欄茶竈燐薪愁宿
潤蠶花上箔怯生寒一藤擬待初晴出門外深泥移屐難

賣金魚聲

門前聽得去年聲說是金魚借口鳴多似游倡憑老鵝不如林鳥助閒情

柳下憇牛二首

野畦當午汗流珠黃牯輟犁初解拘柳下清風無可議何曾更羨富人烏

詩正月傳富人
之屋烏所集

楊柳依依紉已完乘田邴邴意初寬況逢春在江村住五月仍看黑牡丹

中井黃裳先生自櫻井谷徙西京賦贈之二首

綺年戀京洛皓首賃幺齋有待山川共可娛日夕皆定知辭去楚

先生作辭
多倣楚體

何咎橘超淮

先生不欲

徙東京向有橘不超淮句今徙西
京早念乃成雖橘超淮當不自咎

時及今成願心如鑑已揩

東山如畫好相對若爲情詩味方加潤琴心白借清高歌紫芝曲閒臥白衣卿尙有謀難

措

有建祠堂藏
先著之謀

莫違百歲羹

時年八
十三

贈黃裳老師

一曲離騷碧玉徽如師善出楚音稀三閭遺業託清怨山室蕭然塵不飛

大息

日入處輕日出處撩戰蠡聚群不遑向來懲創詎幾何頑頓莫敢毀訾省今年七月復啓
釁南北河山暗戰塵執兵百萬偶人似擊打雖習實少神火丸百來不一中雷機爭先墜
九旻力因兼弱所陳薄相埒犬羊赴虎嘖行閒更僕屍難數渾是無信無義人無信無義
無禮數安得有君復有臣大息脂那今指難脂那支那也文物衣冠充備之義指難邊鄙不開之義何日冠帶能爲好願齊
一變至於魯願魯一變至於道

夾竹桃開日作時聞蘇俄由金乾二島去軍已三日

涼蘄勻開夾竹桃賴令不識敵如熬便停睡課據梧坐倏摺宣幹當戶鑒甌脫誰將窮髮
議山臊竟比質明逃向來花氣閑邪氣識應余皇收編槽宣幹謂報鈴

梅雨排悶

積雨熟梅天詐晴且不得蓑笠上扁舟煙波釣江鯽

夏日過山莊

松老能遮日暑微不到衣莫談朝市事恐是白雲飛

閒居分韵得肴

荷葉雖舒飯不包老來何復出論交閒居鄭七池齋似借與隣松對鶴巢

雁來倣古

雁來傳捷日風霽度高秋晞此蒼蒼髮且思邊戍樓鼓軍絕脉塞飲馬斷腸流萬里王師在不令父老憂

新涼

覺被不添眠不成新涼如水晚來清老夫增感於秋甚海內今存幾友生

時事丁丑

我皇何樂戰雪恥屬當秋萬方莫輕議無意缺金甌

出師伐支那

王師今討罪南粵北燕支囊括海千里金陵不出錐

海軍封海疆

居庸天下隘方軌莫能過填虜元戎過奈防不止何

居庸關陷

盡陣堅於鐵破關如破甑預期勒功日追北向燕然

同上

天破百彈墜江山容不備京中幸有生一夕身三避

南京爲海軍航空隊所襲

金天驕萬騎令下疾雷奔橫過桑乾木鐵蹄破雁門

長驅入大同

佳兵本當慎憑險復何爲秋冷吳淞柳行屍悲響斯

吳淞大破

銜枚屠涿陣執銳斫滄營天下何時定燕中未雪平

河北連敗

攻城待明發火戰北風塵多是白徒似爭先鳥獸逃

保定不保

自喜分韵得灰

范甌生塵何敢猜此生本乏世營才心知黃白入門滿面行未能毫不回

送人之戰分韵得先

白日龍堆暗燧煙西風九月討三邊壯君萬里負戈走不斬樓蘭莫敢旋

九日憶鄉

天值重陽酌菊醪髭髯今已白刁騷客中傳語南歸雁鄉味難忘山藥糕

千人針

丁丑

巾幘忠誠許國心鬚眉相待轉相深被堅執銳除危難多賴千人一寸針

楓橋夜泊

楓岸月明霜滿船僧菴鐘斷夜如年宦游易老江湖上知有張郎今不眠

秋思

攝中託迹十逢秋，惟見青銅照白頭。
寒雨沈綿增鼠思，深村寂歷斷賓游。
性情骯髒人雖棄，貧賤脂韋吾自羞。
安得抽身歸故國，飢鴻昨夜向南投。

丁丑歲暮

急景催殘一綫燈，離年陳迹傷膺衾。
幃不貸長存夢藥石，相詢善病僧媚竈。
王孫無可禱，送窮博士本應徵。
崖柴遠吠誰家犬，幻到門前許暫憑。

聞南京陷作

櫓槍收影近平明，軍至不屠無一營。
捲土重來楚人夢，江東已哭八千兵。
天塹縱能據上游，王師討罪盡貔貅。
亡秦誰道楚三戶，難是長年作國讐。

戊寅元旦

○編者云以下昭和十三年作至四月而止

帝在青要上，詰早騁光景。
四方皆不海，同瞻此若丙。
何幸逢吉年，戊寅歲在定應增遺秉。
寅獸

能見機，武威愈加猛。
禹甸九大州，先收要與領。
鹿乃去中原，夏旌盈萬井。
締造仗震指日本

輔鬱有如廼，環人民始昭。
蘇良指滿洲隆必可竝，而招夏汭攜。
以斷氏羌，詞渾是在喁。
望溫

綸動荒憬豈能抗天兵永以肆頑獷猓猓復悚悚隱如魚在鼎

池田綿茂樓對山分韵得麻

戊寅正月

開年九日天氣霽十有餘彥會酒家禮問率率才去俗得此靜境避世譁壓軒高岑氣已
春擣眉翠微陡有加歲以剛建虎不擾

歲在寅

老松亂立鬪龍蛇北闕請纓吾已老

時日支交戰

吳

門聊傾梅福廕雖未肆以名山游向平意境莫相違碧海茫茫已千古獨留茲山葆靜嘉
仁在藹藹慈氏居安得條然樂烟霞

春不及分韻得覃

寒重碧疏開不堪早梅二月乏醺醺鴨爐烘炭且迎客竟日圍棋作手談

對鏡

松下如霞綺年臉鏡中今日髮皆霜蔡襄自是難開眼潘岳何曾不斷腸閒暇精神非閒
暇蒼茫身世更蒼茫問誰能把流光駐鸞鳳凌虛且未翔

金小湖畫蘭題感思

良玉沉沉塗名驥伏皂櫪艷君著此鄉終古免飢溺得失竝關天移分不可覓

閒過

買山譽處白雲邊日月閒過十許年
羊腴熟中兒輩長各持錢縛不逃賢

自署

自署頭銜樞機翁爨謀不與世相同
晨求鴉糞三升出官柳橋邊西復東

過本坊橋至懷德堂河岸多柳

樓樓臨水起柳柳向波垂柳共煙能
霽樓皆月不遲

臨懷德堂

剛日作何事出將古道宣似柔以調
我青障柳綿綿
柔日作何事入從細席監似剛以攻
我素壁石巖巖

結廬

結廬在空谷長日但看雲此樂無由
極松西又落曛
結廬在空谷川上以山青隔市如千
里幽禽下訟庭
結廬在空谷於世復何望避賢不樂
聖日服決明湯

賦得梅柳度江春

日支之變皇軍大捷
据南京篇中故及

江上榜歌春已回風光經亂又新催吳中煦嫗并津柳浙左澄清及陌梅鸝狎行營渾自
樂燕巡粉署不相猜溫綸感物深如許奏賦誰能揆謝才

代婦作

雪映繁星寒砭肌置籠解凍獨捫之別來夫壻多無字此夜龍庭正若爲

階前

階前福壽草晴晝耀金開安得無慙愧柴門富不來

題北山草堂

三月吳山社席上分韻得灰

梅從秦上競先開看到吳中白萬枚山色相將遶幽屋鐘聲乃亦出香臺故人澹漠逃時
樂散者噉啣聯櫺來鹿鹿麟麟幸休議春風是日意崔嵬

櫻花滿渡

○編者云以下二首四月一日所作竟成絕筆矣

鶯花臨渡燦雲霞愛此酣光蔑以加賴有閒亭堪小醉絕無深柳作重遮使君行色都而
雅游子風懷柔且嘉烏榜刺船歌一曲拚將旅思了忘家

未知

未知貧可樂憂口不能餬從古死生訣多關有米無

息抱齋詩稿

終